

Lovesongs

2 x Ref

So viel Lovesongs würed mir no schriibä
doch mir münds immer wieder übertriibä
so viel Lovesongs
so viel Lovesongs
so viel Lovesongs

Badi

Mit de Anna us Havanna hetis schön gah, hät sie mer gseit
sie chönti hundert Mal am Tag, sie möchi eifach ihri Bei breit
und hetti a dem Abig nur es bitz meh überleit
hetti bim zehte Shot, eifach nei gseit
doch wieni mengisch bin, gah nie in Usgang wege Fütz
mach mitem Pedi eine druff im Suff, so bini gschützt
denn amne schönä Tag, chani mich chum meh hebe
am Namitag am zwei fangts ah, ohni gross drüber rede
stelle hindere was gaht, an See, ich bin in Fahrt
und ich het au deht, e Superwomen parat wo mich mag
Paula hät denn nur gseit, mir treffed eus bi ihre am zwei
und bis am zwei han ich doch vergesse wiesi heisst
hans denn doch irgendwie gschafft, öppis zemezwurschtle
ha den müsse mitre Tanze und debi fascht verdurschtet
und bevari denn würkli mitre Hei bin
hani gmerkt es macht kei Sinn

2 x Ref

Pedi Fritz

Amigs bini voll in Stimmig, singe Lovesongs völlig billig
eini gaht druff ii und wot mi, aber ich finds gad easy chillig da
drum kippi no es paar, furzä und rülpsä wie en Star
leider stah sie nöd uf das, drum hetsi mich verlah
und mir isch das egal, eifach dasis gseit han
niemert muss mich ändere ich stah min Mah
ade Rente chille, mini Glatze het en üble Sunnebrand
de Badi leitmer s'Cap uf de Grind und drucktmer es Bier i d'Hand
laht en Beat tschädere und fangt a rappe ohni Grund
ich übernimme de Part und verzell eh Gschicht vome Hund
d'Bsitzerin dreht sich um, cool wie ihr das mached
doch nach de Line mitem Hotdog isch schowieder fertig glached
a sottige Tage simmer mit de, ÖV am umecruse
denn mir wenn ja euse gottverdammti Brief nöd loose
die hübschi Kontrolleurin ja die kennt eus us de Zitiig
doch dasi s'Ticket verlore han, findsi nöd so witzig mann

2 x Ref

Bridge

I so viel Lovesongs würed mir erschiinä
doch mir münds immer übertriibä
und vielleicht wür au mal eini bliibä
würed mir nöd immer übertriibä

Pedi Fritz / Badi

Es vergaht kein Tag, ohni e Frag zude Sach
ob ich die und die mag, das isch e Plag ich bin vom Fach
lahn mich das regle, büge das scho irgendwie here
doch mitem bsoffene Französisch wird Situation numä no schwerer
kein Grund zu Überheblichkeit, ich hanmer überleit
am Schluss bin eigentlich ich de Dubbel wo die Körb verteilt
aber fuck druff, blibemer zeme forever alone
das isch de gröschti Witz vom Lebe min Sohn
denn jede Liebessong da usse, wär praktisch vo mir abgeschrieben
doch am Weekend chan sich jedi Frau vo mir verabschiede
lahn lieber d'Hose eifach abe ohni studiere
will ich de Kopf mengisch abschalte und am liebschte Paniere
und vielleicht wirdi das au, wiiterhin so probiere
doch weissi jetzt scho, das wird sowieso nöd funktioniere
denn das merki jedes Mal, ganz am Schluss
rennt sie devo, uf de letschti Bus
wenns drum gaht zum heigah vorem Abschiedskuss

2 x Ref